

PATRIOT

BULETIN KEMENTERIAN PERTAHANAN
ISSN 1511-1849 Bil : 1/2011



BADAN
KESENIAN
MINDEF



Menjunjung Kasih

kandungan

- 3 Dari Pena Pengarang
- 3 Sidang Redaksi
- 4 SPB YDP Agong Menaiki Pesawat
- 5 SPB YDP Agong Berpuashati Prestasi Kapal Selam



- Program Pemulihan Pemasarakatan 6
- Kolokium Pengurusan Kewangan 7
- TLDM Catat SEJARAH 8
- Bola Sepak ATM 9

Amanat Menteri Pertahanan

10-11

- 12 Menteri Pertahanan Bersama Warga TD Kem Penrissen
- 13 Menteri Pertahanan Bersama Warga TD Kem Sri Miri
- 14 MOU
 - Perjumpaan Menteri Pertahanan..... 15
 - Majlis PELANCARAN LIMA'11 16-17
 - Hari Terbuka Tentera Darat 18
 - Pavilion Malaysia..... 19
 - Pelancaran Kompeni Askar Wataniah 20-21
 - Sambutan Maulidul Rasul ATM 22
- 23 Hari Keluarga KAKEP 2011
- 24 Badan Kesenian MINDEF
- 25 Karnival Rakyat Meriah.....
- 26 PUSPANITA KALI KE 28
- 27-29 Lonjakan Berganda MINDEF....
- Konsert untuk mu Loloq 30
- TKSU Dasar 30



DARIPADA PENA PENGARANG



Assalamualaikum dan Salam Sejahtera,

Syukur ke hadrat Illahi kerana masih berkesempatan melangkah ke tahun baru dan semoga tahun ini akan menjadikan diri kita lebih baik dari tahun-tahun sebelumnya. Sebagaimana lazim pada setiap hujung tahun, segala pencapaian kita pada tahun lepas akan dinilai, disamping merancang program dan strategik untuk tahun berikutnya. Namun begitu, sebagaimana kenyataan Perdana Menteri ketika berucap di Majlis Perdana Perkhidmatan Awam Kedua Belas (MAPPA X111) baru-baru ini, perancangan akan tetap tinggal perancangan tanpa dapat dimanfaati rakyat sekiranya tiada penjawat awam yang mampu melaksanakan semua perancangan kerajaan dengan cekap dan berkesan.

Sesungguhnya banyak cabaran yang perlu dihadapi oleh penjawat awam dalam merealisasikan segala perancangan kerajaan dan yang perlu ditekankan kini ialah kaedah pengurusan nilai yang harus diterapkan dalam semua pengurusan projek kerajaan bermula dari peringkat awal lagi. Contoh ketara yang boleh dilihat menerusi kaedah ini ialah program 'Jiwa Murni' ATM dalam membina jalan penghubung di Ba'kalalan dengan kos RM50 juta sahaja, berbanding jika dilaksanakan melalui kaedah biasa sebanyak RM400 juta.

Kaedah lain yang ditekankan Perdana Menteri ialah pakatan yang sangat menguntungkan antara jabatan sebagaimana yang dilakukan antara ATM dan PDRM menerusi kejayaan aplikasi creative solution atau penyelesaian kreatif yang bijaksana, sekaligus meruntuhkan mentaliti silo yang hanya menyebabkan pertindihan fungsi dan pembaziran.

Harapan yang tinggi terhadap perkhidmatan awam turut disuarakan oleh Ketua Setiausaha Negara, dimana cabaran penjawat awam yang diamana-nahkan menterjemahkan segala dasar yang dirangka oleh Kerajaan menerusi pelaksanaan yang jitu, diiringi pengawasan yang berterusan serta penguatkuasaan yang telus.

Sehubungan itu, sebagai penjawat awam, marilah kita bersama-sama berganding bahu dan bekerja keras untuk merealisasikan aspirasi Malaysia sebagai sebuah negara maju menjelang 2020.



Sidang Redaksi

PENAUNG

Y.Bhg Dato' Sri Dr. Haji Ismail bin Haji Ahmad
Ketua Setiausaha
Kementerian Pertahanan Malaysia

PENASIHAT

Y.Bhg Dato' Haji Ismail bin Ibrahim
Timbalan Ketua Setiausaha (Pengurusan)
Kementerian Pertahanan Malaysia

KETUA EDITOR

Pauzan Ab. Majid

EDITOR

Nazrie bin Saini

SIDANG EDITORIAL

Mej Zahrullail bin Hidayat
Lt Kdr Rahimah bt Taib TLDM

FOTO

Sjn U Irwan bin Alias
Pbt Syarianah bt Abdul Karim

TERBITAN DAN EDARAN

Unit Komunikasi Korporat
Kementerian Pertahanan Malaysia

SPB YDP AGONG MENAIKI PESAWAT SUKHOI SU-30 MKM



Kementerian Pertahanan amnya dan Tentera Udara Diraja Malaysia (TUDM) khasnya berasa sungguh bertuah kerana SPB Yang Di-Pertuan Agong XII Al-Wathiku Billah Tuanku Mizan Zainal Abidin berkenan mencemar duli membuat Lawatan Kerja dan mengikuti Penerbangan Pesawat Sukhoi SU-30 MKM di Pangkalan Udara Butterworth.

Jet pejuang tersebut telah dipandu oleh Pegawai Memerintah 11 Skuadron Lt Kol Mohd Asghar Khan Gauriman Khan dan diiringi sebuah lagi pesawat pejuang TUDM jenis FA/1D HORNET. Sebelum menaiki pesawat tersebut, SPB telah diberi taklimat oleh Panglima Tentera Udara, Jeneral Tan Sri Rodzali Daud TUDM.



SPB telah dibawa mengelilingi Pulau Langkawi dan Pulau Pinang dengan kelajuan maksimum/supersonik. Pesawat tersebut telah terbang setinggi 15,000 kaki. Penerbangan tersebut telah mengambil masa selama 45 minit.



SPB juga telah berkenan untuk melawat Pameran Pesawat-pesawat Pejuang TUDM di hanger. Baginda telah diberi taklimat oleh Pemandu-pemandu pesawat tersebut.



Turut hadir pada majlis tersebut ialah Menteri Pertahanan, TYT Pulau Pinang, Panglima Angkatan Tentera dan Pegawai-pegawai Kanan TUDM.

Artikel: Lt Mohd Faliq bin Zainin
Markas Angkatan Tentera Malaysia (J-7)
Foto : LKI STN (1) Roselly bin Alli

SPB YDP AGONG BERPUASHATI PRESTASI KAPAL SELAM TLDM

Seri Paduka Baginda Yang Di-Pertuan Agong Al Wathiqu Billah Tuanku Mizan Zainal Abidin Ibni Al-Marhum Sultan Mahmud Al-Muktafi Billah Shah Al-Haj berpuashati dengan prestasi dengan keupayaan Angkatan Kapal Selam TLDM (AKAS) mengendalikan 2 kapal selam TLDM, KD TUNKU ABDUL RAHMAN dan KD TUN RAZAK. Baginda telah berangkat mencemar duli untuk menyelam bersama kapal selam pertama negara, Kapal Diraja (KD) TUNKU ABDUL RAHMAN di perairan Laut China Selatan pada 10 Mac 2011. Baginda turut diiringi Panglima Tentera Laut, Laksamana Tan Sri Abdul Aziz bin Hj Jaafar bersama krew KD TUNKU ABDUL RAHMAN.



Keberangkatan Baginda ke Pangkalan TLDM Kota Kinabalu (PTKK) merupakan lawatan rasmi selama 2 hari. Baginda turut melawat Markas Angkatan Kapal Selam (MAKS) TLDM termasuklah ke SCORPENE Type Diving Control and Platform Simulator (SIMA) yang merupakan penyelaku yang dilengkapi pelbagai peralatan canggih menyerupai peralatan di kapal selam sebenar untuk tujuan melatih

warga kapal selam dan pelatih yang mengikuti kursus kepakaran kapal selam.

Semasa pelayaran dan penyelaman bersama KD TUNKU ABDUL RAHMAN, baginda telah berkenan menyaksikan demonstrasi melawan kebakaran dan demonstrasi water shot oleh krew KD TUNKU ABDUL RAHMAN. Pelayaran ini turut diiringi oleh aset-aset TLDM seperti KD LEKIU, KD KEDAH serta helikopter Super Lynx selain aset TUDM iaitu helikopter S70 Black Hawk, AS61N1 serta Nuri.

Sebagai bukti dan pengesahan pelayaran ini, Panglima Tentera Laut telah mempersembahkan Sijil Penyelaman dan Lencana Kehormat Kepakaran Kapal Selam TLDM kepada Seri Paduka Tuanku yang juga selaku Laksamana Armada TLDM.




PROGRAM PEMULIHAN PEMASYARAKATAN KERJASAMA STRATEGIK MINDEF & KDN

Program Pemulihan Pemasyarakatan telah memperlihatkan buat julung kalinya kerjasama antara Kementerian Pertahanan dan Kementerian Dalam Negeri khususnya antara pihak ATM dan Jabatan Penjara. Perdana Menteri, Y.A.B. Dato' Sri Najib Tun Abdul Razak ketika melancarkan program pertama tersebut di Kem Mahkota Kluang pada 26 Mac lalu menyifatkan kerjasama ini sebagai sesuatu yang 'unik' dan mampu mengeratkan kerjasama antara dua kementerian.

Program Pemulihan Pemasyarakatan merupakan satu program di bawah strategi lautan biru kebangsaan (national blue ocean strategy) dalam usaha untuk mengurangkan kadar jenayah di negara ini yang termaktub dalam enam Bidang Keberhasilan Utama Negara (NKRA) dengan kos yang minimum dan Program Transformasi Kerajaan dalam usaha mengoptimumkan penggunaan sumber-sumber kerajaan yang sedia ada bagi mencapai impak yang lebih tinggi. Melalui program ini, Tentera Darat Malaysia dan Jabatan Penjara Malaysia bekerjasama secara langsung dengan melibatkan pembinaan lima kompleks pemulihan dalam lima kem iaitu kem Mahkota Kluang, Kem Syed Sirajuddin Gemas, kem Tok Jalai, Alor Setar, Kem Batu 10, Kuantan dan Kem Desa Pahlawan Kelantan. Program melibatkan 1200 banduan atau Orang yang Diselia (ODS) dimana setiap kompleks mampu menampung 200 ODS kecuali di Kem Syed Sirajuddin yang akan menempatkan seramai 400 ODS.

Objektif utama program ini ialah bagi mengasingkan ODS dengan banduan tegar supaya mereka tidak mudah dipengaruhi semula melalui proses asimilasi, interaksi dan intergrasi secara positif sebelum kembali ke pangkuan masyarakat dan sekali gus mengurangkan kadar jenayah di negara ini. Selain itu, penjimatan kos dari segi selenggaraan boleh dioptimumkan menerusi kerja-kerja yang akan dilakukan oleh ODS seperti memotong rumput, mencuci bangunan, mengecat bangunan selain kerja-kerja pertanian dan perikanan, dimana ODS akan diberi pendapatan bagi tugas-tugas yang telah dilaksanakan itu, selain kemahiran yang diperolehi sepanjang berada di pusat tersebut. Sementara pihak kem pula boleh menjimatkan kos dari aspek kontrak-kontrak berkaitan dan pihak penjara mampu mengurangkan kos pembinaan penjara baru yang memerlukan kos yang tinggi bagi sebuah penjara baru.

Bagaimanapun, penglibatan ATM dalam Program Pemulihan Pemasyarakatan ini tidak akan menjejaskan peranan dan tanggungjawab utama ATM dalam menjaga keamanan dan keselamatan negara kerana tanggungjawab sepenuhnya menjaga ODS ini masih dibawah Jabatan Penjara Malaysia sepenuhnya.



KOLOKIU PENGURUSAN KEWANGAN MINDEF



Menteri Pertahanan, YB Dato' Seri Dr Ahmad Zahid Hamidi meminta semua warga MinDef mengamalkan 'Perbelanjaan Berhemat' secara berterusan dan berpatutan mengikut keutamaan tanpa menjejaskan kualiti sistem penyampaian perkhidmatan awam yang diberi.

Berucap merasmikan Kolokium Pengurusan Kewangan Kementerian Pertahanan di Auditorium Kementerian Pertahanan pada 4 April 2011, menurutnya sepanjang tahun 2010 dan tahun-tahun sebelumnya, kementerian telah berusaha melaksanakan pelbagai program dan aktiviti yang menjurus kearah kecekapan dan memperkemaskan pengurusan kewangan bagi mencapai kesahihan dan usaha tersebut telah pun membuahkan hasil yang positif apabila Kementerian memperoleh penarafan 5 bintang dalam penilaian SSR oleh MAMPU dan menduduki ranking kedua dalam senarai 25 kementerian.


Menteri Pertahanan juga berharap setiap pegawai pelbagai peringkat perkhidmatan di MinDef mengambil tahu dan menghayati perkara-perkara yang telah diperjelaskan kerana ia sangat relevan dengan tugas dan tanggungjawab sebagai penjawat awam. Selain itu tema kolokium iaitu '1 MinDef 1 Integriti 1 Akauntabiliti' dapat diaplikasikan dan menjadi amalan seharian dalam melaksanakan tugas yang telah diamalkan.

Beliau juga menyeru Ketua-Ketua Jabatan dan Pengurus-Pengurus Program agar memahirkan diri dengan Fundamental Sistem Belanjawan Outcome Based Budgeting (OBB) bagi menentukan Outcome yang akan menyumbang kepada pencapaian Key

Kolokium tiga hari anjuran Bahagian Audit Dalaman dan Siasatan Am (BADSA), Kementerian Pertahanan itu bertujuan memberi kesedaran mengenai kepentingan pengurusan kewangan kepada warga MinDef, selain sebagai platform 'intellectual discourse' bagi meningkatkan pengetahuan berkaitan aspek integriti, akauntabiliti dan tadbir urus terbaik.



Pelbagai aktiviti diadakan sepanjang kolokium berlangsung, antaranya ialah ceramah mengenai pengurusan kewangan, forum, pameran oleh beberapa agensi kerajaan dan swasta serta perbincangan dengan Pusat-Pusat Tanggungjawab.



Artikel
Foto

: Pauzan Ab. Majid
: LKI STN (1) Roselly bin Alli

Artrikel : Mej Zahrullail bin Hidayat
Foto : Pbt Mond Nazari bin Ramli



TLDM CATAT SEJARAH ATM DAN NEGARA

TLDM mengorak langkah dalam proses transformasinya menjadi 'Tentera Laut Bertaraf Dunia' apabila beberapa unit TLDM berjaya mendapat pengiktirafan persijilan antarabangsa. Antaranya ialah Sistem Pengurusan Berintegrasi ISO 9001:2008 kepada Skuadron Frigate Ke-23 dan Skuadron Multipurpose Command and support Ship (MPCSS) Ke-31 dan OHSAS 18001:2007 yang pertama kalinya bagi 2 Skuadron kapal TLDM. Persijilan ini meningkatkan tahap keselamatan dan kesihatan warga TLDM yang bertugas di tempat yang berisiko terutamanya yang bertugas di kapal. Aspek kesihatan dan keselamatan warga tldm perlu dititik beratkan kerana kemalangan di tempat kerja bukan sahaja akan memudaratkan anggota tetapi juga akan merugikan TLDM dan menjejaskan persepsi pihak luar terhadap TLDM.

Sistem pengurusan Keselamatan Makanan ISO 22000:2005 bagi 2 buah Rumah Masak TLDM iaitu Rumah Masak D-20 KD MALAYA dan Rumah Masak D-18 KD PELANDOK ianya dilaksanakan bagi membantu meningkatkan mutu dan kualiti penyediaan makanan kepada warga TLDM. Pemakanan yang berkualiti, sihat dan selamat akan menjamin kesihatan dan merupakan faktor yang menyumbang kepada tahap motivasi warga TLDM. Pengurusan Keselamatan Maklumat iso 27001: 2007 bagi Cawangan Teknologi Maklumat, Markas Tentera Laut bagi meastikan kerahsiaan maklumat dan data TLDM berada pada tahap yang tinggi dan yang membanggakan adalah Persijilan Bronze EarthCheck bagi 2 buah Kapal TLDM iaitu Kapal KD Lekiu dan Kapal KD Sri Indera Sakti. Persijilan Bronze Earth Check bakal membawa banyak penjimatan kos operasi kapal dari segi penjimatan tenaga serta bahan api, air dan pengurangan sisa buangan dalam masa yang sama mengong aspek pemuliharaan alam sekitar.

Persijilan ini merupakan satu pencapaian yang membanggakan kerana ia adalah yang pertama kali dilaksanakan di dalam Angkatan Tentera Malaysia dan organisasi awam. TLDM juga merupakan organisasi ketenteraan pertama di dunia melaksanakan Persijilan EarthCheck.

Upacara penyampaian sijil telah disempurnakan semasa Perhimpunan KEMENTAH di Dataran Wisma Pertahanan pada 9 Mac 2011 oleh YB Dato' Seri Dr Ahmad Zahid Bin Hamidi Menteri Pertahanan Malaysia. Sijil telah disampaikan melalui Pengerusi Moody International Certification Ltd, Dato' Dr M. Muhindar Singh. Turut hadir Timbalan Menteri Pertahanan, Panglima Angkatan Tentera, Panglima-Panglima Perkhidmatan, Pegawai-pegawai kanan awam dan tentera serta 1 500 warga awam dan tentera menyaksikan detik bersejarah itu.

MENTERI PERTAHANAN BAWA PENDEKATAN BARU BERSAMA TIM BOLASEPAK ATM MUSIM 2011

Artikel : Mej Zahrullail bin Hidayat
Foto : Pbt Zahir bin Abdullah (PR MK 4 Div)

Menteri Pertahanan Malaysia, YB Dato' Seri Dr Ahmad Zahid Hamidi, ketika berucap di Majlis Ramah Mesra dengan staf dan pemain-pemain bola sepak ATM musim 2011 serta keluarga di Dewan Dato' Othman Harun, Kem Wardieburn, Setapak, Kuala Lumpur pada 18 Januari 2011 berharap semua pemain-pemain yang baru menandatangani kontrak pada hujung tahun lepas dapat memberi persembahan yang terbaik serta berlatih dengan bersungguh-sungguh sekali gus memenangi salah satu piala yang dipertandingkan oleh FAM. Selain itu katanya keluarga merupakan salah satu faktor yang boleh mempengaruhi para pemain semasa berada dipadang. diharapkan sokongan keluarga kepada pemain sedikit sebanyak dapat memberi pendorong kepada kejayaan mereka.



Turut hadir Laksamana Tan Sri Dato Sri Abdul Aziz bin Hj Jaafar TLDM Panglima Tentera Laut, Lt Jen Datuk Raja Affendi bin Raja Mohamed Noor Ketua Staf Markas ATM merangkap Timbalan Presiden Majlis Sukan Angkatan Tentera (MSAT), Mej Jen Dato' Abdul Rahim bin Hj Mohd Yusof, Panglima Latihan Tentera Darat merangkap Timbalan Presiden Persatuan Bolasepak Angkatan Tentera, Mej Jen Dato' Zukifli bin Hj Kasim, Panglima 4 Divisyen merangkap Pengerusi Bolasepak Perkhidmatan Tentera Darat, wakil-wakil Pengerusi Bolasepak Perkhidmatan Laut dan Udara serta keluarga para pemain ATM 2011.



Turut diadakan penyampaian Insentif MSAT di Kejohanan Komanwel dan Sukan Asia tahun 2010 kepada atlet-atlet ATM yang mewakili Negara dikejohanan tersebut. Penerima Insentif kepada atlet termasuklah:

- Lt Nur Suyani bt Mohamed Taibi TLDM Penerima pingat emas dalam acara Menembak 10M Air Rifle Berpasukan, pingat gangsa dalam acara Menembak 10M Air Rifle Wanita di Kejohanan Sukan Komanwel, New Delhi, India serta Pingat Gangsa bagi Acara Menembak 10M Air Rifle Wanita di Kejohanan Sukan Asia di Gong Zhou, China.

- LUK Mohd Helmi bin Ismail memenangi emas dalam Sukan Komanwel dalam acara Angkat Berat Kategori 63kg menerima RM 3,000.00 telah dinaikkan pangkat Pbt ke perlantikan Lkpl pada majlis tersebut yang disempurnakan oleh Menteri Pertahanan



- LKpl Arico Junitih memenangi emas dalam Sukan Komawel dalam acara Angkat Berat Kategori 63kg juga telah dinaikkan pangkat dari Prebet ke perlantikan Lkpl.
- LKpl Naharuddin bin Mahayuddin memenangi pingat perak dalam Sukan Komanwel dalam acara Angkat Berat Kategori 62kg dinaikkan pangkat Prebet ke perlantikan Lkpl.
- LKpl Raihan bte Yusof memenangi gangsa dalam Sukan Komawel dalam acara Angkat Berat Kategori 53kg dinaikkan pangkat Prebet ke perlantikan LKpl.

AMANAT MENTERI PERTAHANAN DI PERHIMPUNAN-PERHIMPUNAN BULANAN KEMENTERIAN



Warga MinDef diminta supaya menilai segala prestasi yang telah dicapai pada tahun sebelumnya bagi mengenalpasti sebarang pencapaian dan mengambil tindakan yang sewajarnya untuk mengatasi mana-mana kelemahan yang ada. Menteri Pertahanan, Y.B. Dato' Seri Dr Ahmad Zahid Hamidi dalam ucapannya di Perhimpunan Bulanan Pertama MinDef bagi tahun 2011 berharap agar semua warga MinDef akan menjalankan tugas dengan penuh bertanggungjawab, jujur dan segera atau dengan kata lain 'with a sense of urgency, responsibility and honesty' kerana selain menghadapi cabaran-cabaran yang baru, pelanggan MinDef juga mempunyai justifikasi untuk mendapatkan perkhidmatan yang lebih efisien, cekap dan berkesan.

Y.B. Menteri turut menggariskan beberapa perkara penting di perhimpunan pada 4 Januari 2011 itu yang perlu dilaksanakan dengan segala daya oleh warga MinDef. Antaranya ialah keperluan melayan semua pelanggan dengan sopan, dan segala usaha perlu diambil dengan segera bagi menyelesaikan aduan dan masalah pelanggan dengan secepat mungkin. Selain itu, warga MinDef juga perlu tahu cadangan-cadangan Rancangan Malaysia Ke Sepuluh (RMK-10) samada ia benar-benar dapat dilaksanakan dan jika tidak, mereka perlu berani untuk mengubah apa yang telah ditentukan

Pada Perhimpunan Bulanan Kementerian pada 9 Mac 2011, Y.B. Menteri Pertahanan menyeru kepada semua warga MinDef untuk mengeratkan lagi tali silaturrahim, terutama perhubungan di antara kakitangan awam dan tentera, selaras dengan konsep dan semangat 1 MinDef.

Y.B. Dato' Seri Dr Ahmad Zahid juga merakamkan ucapan tahniah dan syabas kepada Ketua Setiausaha Kementerian Pertahanan, Y.Bhg. Dato' Sri Dr Ismail bin Haji Ahmad dan seluruh warga MinDef diatas kejayaan penerimaan Sijil Pengiktirafan Penarafan Lima Bintang yang diterima oleh KSU MinDef daripada Ketua Setiausaha Negara pada 27 Januari 2011.

Beliau juga menyeru seluruh warga MinDef agar sentiasa bersikap proaktif, kreatif dan pantas dalam melaksanakan tanggungjawab yang telah diamanahkan, selain mematuhi peraturan yang ditetapkan serta mengamalkan sikap minda terbuka sewaktu perbincangan mahupun bermesyuarat, terutama dalam membuat keputusan terhadap perkara yang diklasifikasikan sebagai berkepentingan dalam kementerian.



Y.B. Menteri turut merakamkan ucapan penghargaan dan tahniah kepada pihak TLDM, khususnya anggota-anggota yang terlibat dalam menjayakan operasi menghalang percubaan merampas sebuah kapal dagang Malaysia, MT Bunga Laurel oleh lanun Somalia di Teluk Aden.

Ucapan tahniah juga dirakamkan kepada pihak Tentera Darat Malaysia diatas kejayaan menganjurkan Hari Terbuka sempena Ulang Tahunnya ke-78 di Dataran Merdeka pada 4 hingga 6 Mac 2011.

Penghargaan juga ditujukan kepada warga ATM, khususnya pihak TUDM diatas kejayaan membawa keluar rakyat Malaysia di Mesir ke Jeddah, Arab Saudi sebelum dibawa pulang ke tanah air pada 3 hingga 11 Februari 2011.

Seterusnya di Perhimpunan Bulanan Kementerian pada 5 April 2011, Menteri Pertahanan menyeru kepada semua warga Kementerian Pertahanan untuk terus berusaha dengan gigih bagi memastikan segala perancangan yang telah ditetapkan pada tahun 2011 mencapai sasarannya. Menurutnya warga Kementerian Pertahanan harus sedar dan ingat bahawa sekecil mana sekalipun usaha tersebut, ia tetap memberi sumbangan kepada perkara yang lebih besar khususnya kepada pembangunan negara secara keseluruhan.

Y.B Dato' Seri Dr Ahmad Zahid juga mengingatkan semua anggota awam dan tentera agar lebih berwaspada dengan golongan yang sentiasa berusaha untuk mencari kelemahan dan cuba menjatuhkan kredibiliti MinDef. Beliau juga berbangga dengan pelancaran Kumpulan Ketiga, Keempat dan Platun Media Siber Askar Wataniah dan berharap barisan ini akan terus berusaha untuk meningkatkan potensi kumpulan serta mengekalkan semangat kekitaan (Espirit De Corp) dalam setiap aktiviti yang dilaksanakan.

Artikel :Pauzan Ab. Majid
Foto :Megat Mohd Firdaus bin Megat Ahmad

Sementara Perhimpunan Bulanan Kementerian Pertahanan pada 4 Januari 2011 pula disertakan dengan penyampaian Anugerah Pekerja Contoh (Awam) Kementerian Pertahanan bagi Separuh Tahun Kedua 2010 oleh Menteri Pertahanan kepada Puan Rajeswari a/p Veerasanai dari Bahagian Pentadbiran, bagi Kategori Kumpulan Pengurusan dan Profesional. Manakala bagi Kategori Kumpulan Sokongan Satu ialah Puan Ba'yah bte Alien dari MinDef Sarawak dan Encik Mohd Kamal bin Sharuddin dari Bahagian Kewangan dari Kategori Kumpulan Sokongan Dua. Dato' Seri Dr Ahmad Zahid Hamidi turut menyampaikan Sijil MS ISO 9001:2008 kepada Setiausaha Bahagian Audit Dalam Dan Siasatan (BADSA), Tuan Haji Johari bin Ismail. Perhimpunan diakhiri dengan Sambutan Hari Lahir Menteri Pertahanan yang jatuh pada hari yang sama.



WAD VETERAN ATM – Nasib Pesara Tentera Terus Dibela



Kementerian Pertahanan terus memperjuang dan menjaga nasib pesara tentera dengan pelancaran Wad Veteran Angkatan Angkatan Tentera (ATM) di Hospital Tuanku Mizan (HAT), Wangsa Maju. Pelancaran wad ini telah disempurnakan oleh Menteri Pertahanan, Datuk Seri Dr. Ahmad Zahid bin Hamidi pada 10 Mac 2011.

Wad veteran ini dilancarkan khusus sebagai pusat penjagaan pesara tentera yang menghidap penyakit kronik kekal dan mereka yang mengalami masalah kurang upaya bergerak serta menerima kes rujukan dari hospital lain. Dengan pelancaran wad veteran ini, setiap pesara tentera yang menghadapi masalah kronik boleh terus dimasukkan ke wad khas ini. Walau pun wad yang sedia ada ini menggunakan peruntukan kementerian yang sedia ada, kementerian bercadang untuk meminta peruntukan tambahan bagi memperluaskan konsep wad ini di HAT Kem Terendak, Melaka dan di HAT Pangkalan TLDM, Lumut. Bagi pesara di kawasan lain boleh mendapatkan perkhidmatan kesihatan di Rumah Sakit Angkatan Tentera di kawasan kem yang berhampiran. Penubuhan wad ini antara lain sebagai penghargaan dari kementerian terhadap jasa-jasa yang pernah dicurahkan oleh veteran-veteran ATM dalam mempertahankan kedaulatan Negara.

MENTERI PERTAHANAN BERSAMA WARGA TD KEM PENRISSEN

Dalam sesi perjumpaan Menteri Pertahanan telah berkesempatan menyerahkan cek peruntukan tambahan kepada warga TD, Kem Penrissen kepada Panglima 3 Briged Brig Jen Dato' Ramli bin Jusoh. Dengan peruntukan tersebut diharapkan dapat membantu peruntukan sedia ada demi kesejahteraan warga TD Kem Penrissen khasnya.



Menteri Pertahanan, Y.B Dato' Seri Dr Ahmad Zahid Hamidi telah membuat lawatan kerja sehari untuk bertemu warga Tentera Darat, Kem Penrissen, Kuching, Sarawak pada 7 April 2011 di Dewan Bukavu. Turut menyertai sesi lawatan Panglima Angkatan Tentera, Jen Tan Sri Dato' Sri Azizan bin Ariffin TUDM, Mej Jen Dato' Hj Awie bin Suboh, Panglima 1 Divisyen bersama pegawai-pegawai kanan TD beserta keluarga. Dalam lawatan Menteri Pertahanan menasihatkan kepada warga TD termasuk keluarga supaya membuat keputusan yang tepat demi kesinambungan kemajuan kepada kawasan setempat.



MENTERI PERTAHANAN BERSAMA WARGA TD KEM SRI MIRI



Menteri Pertahanan, Y.B Dato' Seri Dr Ahmad Zahid bin Hamidi buat pertama kalinya berkunjung ke Kem Sri Miri, Kuching, Sarawak untuk meninjau sendiri prasarana serta kemudahan yang menempatkan Batalion Ke 20 Rejimen Askar Melayu Diraja pada 11 April 2011.



Dalam ucapannya, Menteri Pertahanan memaklumkan bahawa Kem Sri Miri akan terus dikekalkan dan Kementerian Pertahanan akan melaksanakan pembangunan serta pengubahsuaian bangunan usang demi keselesaan dan kemudahan warga TD dan kakitangan awam. Hadir sama Lt Jen Dato' Pahlawan Dr Abd Razak bin Ahmad, Ketua Pengarah Perkhidmatan Kesihatan ATM serta pegawai-pegawai kanan awam dan ATM.



Oleh : Mej Zahrullail bin Hidayat
Foto : LK STN (S) Roselly bin Ali

MAJLIS MENANDATANGANI PERJANJIAN USAHASAMA ANTARA MASTERPLAN CONSULTING SDN. BHD. DAN BLENHEIM CAPITAL SERVICES LTD, UK



Majlis Menandatangani Perjanjian Penubuhan Syarikat Usahasama di bawah Program Malaysian Defence and Security Technology Park (MDSTP) telah ditandatangani di antara Masterplan Consulting Sdn. Bhd. dan Blenheim Capital Services Ltd, UK pada 14 Januari 2011. Majlis disaksikan oleh Menteri Pertahanan, Y.B. Dato' Seri Dr. Ahmad Zahid bin Hamidi dan Ketua Setiausaha Kementerian Pertahanan, Y.Bhg. Dato' Sri Dr. Ismail bin Haji Ahmad, Panglima-Panglima Perkhidmatan serta pegawai-pegawai kanan awam dan tentera.

Syarikat usahasama yang ditubuhkan adalah syarikat Blenheim Capital Malaysia Sdn. Bhd. (BCM). Program MDSTP diwujudkan untuk menjadikan Malaysia sebagai hub industri pertahanan di rantau ini dan berfungsi sebagai pusat penyelidikan dan pembangunan (R&D) dengan kelengkapan prasarana yang canggih. MDSTP juga berperanan sebagai pusat perkongsian maklumat dan kepakaran di antara Kerajaan dan sektor swasta dalam pembangunan teknologi pertahanan dan mengkomersialkan hasil penyelidikan ke pasaran antarabangsa

PERJUMPAAN MENTERI PERTAHANAN SUNTIK SEMANGAT BARU



Artikel
Foto

: Mei Zahrullai bin Hidayat
: Pbr Mord Nizar bin Ramli

Menteri Pertahanan Malaysia, Dato' Seri Dr Ahmad Zahid bin Hamidi telah berkesempatan bertemu dengan pemain Bolasepak ATM bersama warga TUDM yang bertugas di Wilayah Dua pada petang 7 April 2011 bertempat di Pangkalan Udara Kuching, Sarawak. Dalam ucapan ringkasnya Menteri Pertahanan mahukan semua pemain menumpukan perhatian sepenuhnya agar kejayaan akan dapat dicapai.

Sebelum itu Menteri Pertahanan turut berucap kepada Warga TUDM Kuching agar membuat pemilihan yang tepat supaya semua perancangan pembangunan dapat diteruskan demi kemajuan setempat. Menteri Pertahanan telah diberikan Kawalan Suku oleh pegawai dan anggota TUDM. Diakhir perjumpaan telah diadakan sesi bergambar bersama Menteri Pertahanan

sebagai tanda kenangan sempena lawatan yang buat julung kalinya diadakan di Pangkalan Udara Kuching, Sarawak. Turut menyertai lawatan Jen Tan Sri Dato' Sri Azizan bin Ariffin TUDM, Panglima Angkatan Tentera serta Brig Jen (Kehormat) Dato' Ahmad bin Johan, Pengerusi AIROD Bhd, pegawai-pegawai kanan TD dan TUDM.



MAJLIS PELANCARAN

THE LANGKAWI INTERNATIONAL MARITIME AND AEROSPACE EXHIBITION

LIMA

L A N G



Majlis Pelancaran Pameran bangsa Langkawi 2011 (LIMA) 2011 di Pusat Pameran dan Konvensyen diadakan oleh Y.B Dato' Seri Dr. Ismail Sabri Yaakob, Menteri Pertahanan. Turut hadir sama Menteri Pelancongan, Ketua Setiausaha Angkatan Tentera dan Panglima Angkatan Laut. Y.B Menteri Pertahanan dan Jawatankuasa Kabinet Pameran.

Pada majlis yang sama, Menteri Pertahanan telah ditandatangani Kontrak Penganjuran oleh Y.B Dato' Seri Dr. Ismail Sabri Yaakob, Menteri Pertahanan, Timbalan Menteri Pelancongan, Ketua Setiausaha Angkatan Tentera dan Panglima Angkatan Laut. Y.B Menteri Pertahanan dan Jawatankuasa Kabinet Pameran.

Majlis turut menyaksikan penyertaan dengan 15 buah syarikat seperti space Defence Industries, Bouygues, SAPURA, System Consultancy, MFD, Rolls Royce, EADS, Airbus, dan Fincantieri.

PAMERAN LIMA '11

MARITIME AND AEROSPACE

A '11

A W I

MAHMAD ZAHID HAMIDI

Minister of Defence



Maritim dan Aeroangkasa Antara-
telah diadakan pada 17 Februari
syen MATRADE (MECC) disem-
hmad Zahid bin Hamidi, Menteri
majlis tersebut adalah Timbalan
ri Pengangkutan, Timbalan Men-
Kementerian Pertahanan, Pan-
a-Panglima Perkhidmatan. Sebe-
pengerusikan Mesyuarat Pertama
A '11.

enterian Pertahanan telah menan-
er LIMA '11 dengan penganjur
V LIMA). Kementerian Pertahanan
aji Ismail bin Haji Ahmad, Ketua
manakala HW LIMA diwakili oleh
ab bin Haji Nawi, Pengerusi HW

LIMA menandatangani perjanjian
at pempamer iaitu National Aero-
d Heavy Industries Corporation,
o Aerospace, NGV Tech, CTRM,
OCNS and Thales, Navantia, Ros-



HARI TERBUKA TENTERA DARAT

1 ANGKATAN,

TETAP GAGAH-TETAP SETIA



Buat julung kalinya sambutan hari ulang tahun Tentera Darat (TD) diadakan diluar kawasan tentera (Kem). Pada tahun 2011 sebagai menyambut seruan pucuk pimpinan tetinggi kementerian maka TD telah mengambil langkah transformasi yang drastik pada kali ini. Justeru itu sambutan pada kali ini lain dari yang kebiasaan diadakan yang sebelumnya yang hanya tertumpu kepada warga TD sahaja. Bermula pada 1 Mac 2011 satu Perbarisan Hari Ulang Tahun Tentera Darat Ke-78 telah diadakan di Dataran Panglima Tentera Darat, Sungai Besi, Kuala Lumpur yang telah disempurnakan oleh Panglima Tentera Darat Jen Dato' Sri Zulkifli bin Mohd Zin. Turut hadir Timbalan Panglima Tentera Darat Lt Jen Dato' Pahlawan Hj Zulkifli bin Hj Zainal Abidin serta kesebelasan tonggak pemerintahan tertinggi TD,

Kelangsungan sempena sambutan pada tahun ini telah di adakan Hari Terbuka yang telah diadakan di Dataran Merdeka mulai 4 hingga 6 Mac 2011. Tujuan utama adalah untuk memberi pendedahan kepada masyarakat dari segi peralatan, peluang kerjaya serta keupayaan TD disamping mempromosikan TD sebagai kerjaya yang versatil. Pada 6 Mac 2011 bersamaan hari Ahad telah dimulakan dengan perarakan ala Hari Kebangsaan yang mempamirkan sebilangan aset-aset TD termasuk kenderaan kecil sehinggalah kereta kebal Pendekar PT 91M. Disusuli dengan persembahan Demonstrasi Kepakaran TD termasuk aksi penerjunan Statik dari Pasukan PARA dan 21 Gerup Gerak Khas disamping penampilan mengerikan pertunjukan dari Red Warrior dari PULAPOT dan disusuli pula aksi-aksi yang mencemaskan seperti demonstrasi Unit Lawan Keganasan dari 21 Gerup Gerak Khas.

Pada hari terakhir Hari Terbuka Tentera Darat sempena Hari Ulang Tahun TD ke-78 turut dihadiri Y.B Dato' Seri Dr Ahmad Zahid bin Hamidi Menteri Pertahanan Malaysia, Dato' Sri Dr Hj Ismail bin Hj Ahmad Ketua Setiausaha Kementerian Pertahanan, Jen Tan Sri Dato' Sri Azizan bin Ariffin TUDM, Panglima Angkatan Tentera, Pegawai-pegawai kanan TD dan anggota TD serta hampir 4,000 penonton tidak melepaskan peluang turut membanjiri Dataran Merdeka.

PAVILION MALAYSIA DI INTERNATIONAL DEFENCE EXHIBITION (IDEX) 2011 DI ABU DHABI, EMIRIYAH ARAB BERSATU

Artikel & Foto: Bahagian Industri Pertahanan

Pameran IDEX 2011 telah diadakan pada 20 hingga 24 Februari 2011 di Abu Dhabi National Exhibition Center (ADNEC), Emiriyah Arab Bersatu. Pavilion Malaysia turut menyertai pameran IDEX 2011 dengan keluasan 70 meter persegi. Pavilion ini diadakan dengan kerjasama sembilan (9) syarikat industri pertahanan tempatan iaitu Airod Sdn. Bhd., Airod Techno Power Sdn. Bhd., Aerospace Technology System Corp. Sdn. Bhd., DSA Exhibition and Conference Sdn. Bhd., Masterplan Consulting Sdn. Bhd., SME Ordnance Sdn. Bhd., SME Aerospace Sdn. Bhd., Weststar LDV Distributors Sdn. Bhd., serta Majlis Industri Pertahanan, Penguatkuasaan dan Keselamatan Malaysia (MIDES).

Y.B Dato' Seri Dr. Ahmad Zahid bin Hamidi, Menteri Pertahanan juga telah menghadiri pameran IDEX 2011 bagi memenuhi undangan rakan sejawatan beliau. Sewaktu pameran berlangsung, Y.B Menteri Pertahanan telah menyaksikan Majlis Menandatangani Memorandum Persefahaman (MOU) antara beberapa syarikat pempamer antarabangsa dengan syarikat DSA bagi penyertaan ke pameran DSA 2012. Y.B Menteri Pertahanan juga berkesempatan untuk melancarkan website syarikat Airod di pameran tersebut.

Secara keseluruhannya, Pavilion Malaysia telah menerima ramai pengunjung dari pelbagai negara sepanjang pameran berlangsung.



Majlis Penyerahan Laporan Perakaunan Dan Penyata Kewangan Kementerian Pertahanan Malaysia Tahun 2010 Kepada Akauntan Negara Malaysia



Ketua Setiausaha Kementerian Pertahanan, Y.Bhg Dato' Sri Dr. Haji Ismail bin Ahmad menyerahkan Laporan Perakaunan dan Penyata Kewangan Kementerian Pertahanan Malaysia Tahun 2010 kepada Akauntan Negara Malaysia di Wisma Pertahanan pada 18 Mac 2011.

KOMPENI ASKAR WATANIAH DILANCARKAN DI SELANGOR

Artikel : Mej Zahrullail bin Hidayat

Foto : Kpl Shahrulhezar bin Azizan



Pelancaran Kompeni Askar Wataniah telah berlangsung dengan jayanya pada 23 April 2011 di Dataran Bazarena, Stadium Melawati, Shah Alam, Selangor. Perbarisan penuh adat istiadat ketenteraan yang membabitkan 18 Pegawai dan 300 Anggota lain-lain pangkat di ketuai oleh Lt Kol Ashaari bin Kusnan. Upacara penuh gilang gemilang sempena Pelancaran Kompeni Askar Wataniah Kawasan Shah Alam, Kelana Jaya, Petaling Jaya Selatan, Petaling Jaya Utara dan Subang telah disempurnakan oleh Lt Jen Dato' Wira Hj Zulkifli Bin Hj Zainal Abidin, Timbalan Panglima Tentera Darat yang mewakili Panglima Tentera Darat. Turut menyaksikan perbarisan Mej Jen Dato' Che Akmar bin Mohd Nor TUDM, Assisten Ketua Staf Perancangan Pertahanan MK ATM, Brig Jen Datuk Fazrul Rahman bin Mohd Irfan, Assisten Panglima Pasukan Simpanan, Brig Jen Prof Madya Haji Thantawi Jauhari bin Hj Ahmad, Komander Rejimen 502 AW, Lt Kol (Kehormat) Dato' Tarmedin bin Hj Omar, wakil Setiausaha Kerajaan

Negeri Selangor serta seramai 1200 orang awam dan tentera telah menyaksikan perbarisan yang buat julung kalinya di adakan di Shah Alam, Selangor.

Dalam ucapan Timbalan Panglima Tentera Darat menyatakan bahawa Askar Wataniah yang terdiri dari berbilang kaum di Selangor ini sebagai jambatan perhubungan antara Angkatan Tentera Malaysia dengan rakyat khususnya masyarakat setempat. Katanya lagi Askar Wataniah banyak memainkan peranan dalam mendedahkan orang awam terhadap peranan dan tugas harian warga ATM.



Dengan ini dapat meningkatkan kefahaman orang awam tentang bagaimana pasukan tentera melaksanakan tugas mereka. Hubungan baik antara tentera dan rakyat akan terus ditingkatkan dan kita percaya Askar Wataniah dapat menjadi penghubungnya.



Pengisian Pelancaran pada kali ini turut di ketengahkan persembahan yang menghiburkan dari Pancaragam Pusat Rejimen Askar Melayu Diraja disusuli dengan persembahan Kawad Senyap dari anggota Rejimen 502 AW. Diserikan lagi tarian kebudayaan berbagai etnik dan bangsa turut dipersembahkan oleh murid Sekolah Menengah Seksyen 11 , Petaling Jaya, Selangor dan akhir sekali persembahan yang penuh bersemangat Senaman Perang yang di persembahkan oleh anggota Rejimen 502 AW. Setelah pelancaran Timbalan Panglima Tentera Darat bersama tetamu jemputan dibawa melawat Karnival 1 MinDef yang dianjurkan oleh Unit Komunikasi Korporat, Kementerian Pertahanan. Pada Karnival tersebut yang bermula 23 hingga 24 April 2011 turut disertai oleh ketiga-tiga



Perkhidmatan Darat, Laut dan Udara serta Jabatan-Jabatan Kementerian Pertahanan termasuk JLKN, JHEV ATM, STRIDE, PERHEBAT dan UKK.

Majlis Penyerahan Cek Rayuan Hari Pahlawan 2010



Menteri Pertahanan, Y.B. Dato' Seri Dr. Ahmad Zahid bin Hamidi menyampaikan cek Rayuan Hari Pahlawan 2010 kepada Persatuan Veteran Tentera Melayu Pertubuhan Veteran Tentera Udara Diraja Malaysia dan Persatuan Bekas Angkatan Tentera India Malaysia di Bangunan Parli-men, Kuala Lumpur pada 5 April 2011.

Majlis Penyampaian Diploma Kursus Maktab Pertahanan Angkatan Tentera

Menteri Pertahanan, Y.B. Dato' Seri Dr. Ahmad Zahid Hamidi menyempurnakan Majlis Penyampaian Diploma Kursus Maktab Pertahanan Angkatan Tentera di Dewan Trisakti, Maktab Pertahanan Angkatan Tentera, Kuala Lumpur pada 6 Januari 2011. Turut hadir ialah Panglima Tentera Udara serta pegawai-pegawai awam dan tentera Kementerian Pertahanan.





Artikel : Mej Zahrullail bin Hidayat
Foto : Kpl Shahrulhezar bin Azizan

1 Angkatan 1 Ummah

Perhimpunan Sambutan Maulidur Rasul peringkat ATM Tahun 2011 telah diadakan pada 22 Februari 2011 bersamaan hari Selasa 19 Rabiulawal 1432Hijrah dimana buat julung kalinya sambutan dimulakan dengan perarakan dengan membawa sepanduk ketiga-tiga perkhidmatan TDM, TLDM, TUDM termasuk MK ATM dan Kakitangan Awam MinDef. Bertemakan 1 Angkatan 1 Ummah, perhimpunan di ketuai oleh Lt Kol Azizi bin Mohamad dari MK ATM bersama Panglima Angkatan Tentera Jen Tan Sri Dato Sri Azizan bin Ariffin TUDM, Panglima-Panglima Perkhidmatan serta Pegawai-Pegawai Kanan ATM turut serta dalam perarakan sambil berselawat keatas Nabi S.A.W bermula di Padang Kawad Kem KEMENTAH berakhir di Auditorium KEMENTAH.

Antara pengisian sambutan kali ini ialah pementasan naskah Sirah Junjungan yang dikelolakan oleh Lt Kol Norazman bin Yahya dari KAGAT. Persembahan diselang seli dengan persembahan pentomen dari Badan Kesenian Tentera Darat (BKTD), persembahan monolog naskah sirah junjungan di suarkan oleh Mej Khairul Fauzi bin Azmi dari KAGAT manakala wanita disuarakan oleh Mej Hjh Nora bte Ahmad dari Sel Agama MK TD serta alunan nasyid dari Kumpulan Al-Fursan KAGAT. Selain itu, Ssjn Hambali bin Hashim dari KAGAT telah turut mendeklamasi sajak dan berjanzi oleh Ssjn HJ Mohd Noor bin Ahmad dari Kem KEMENTAH.

Panglima Angkatan Tentera ketika berucap meminta semua anggota ATM meningkatkan ikatan persaudaraan, sentiasa bersatu mencapai wawasan yang sama dan sedia berkorban demi matlamat perjuangan. Katanya lagi jika amalan itu tersemat dalam jiwa setiap anggota, sudah pasti ia mampu melahirkan angkatan tentera yang kuat dari segi kesepaduan dan kebersamaan. Sehubungan itu katanya, usaha membina kekuatan angkatan berasaskan sirah nabi perlu diteruskan dan memperkemaskinikan dari masa



Hari keluarga KAKEP 2011

Bahan: Buletin KAKEP

Foto : Megat Mohd Firdaus bin Megat Ahmad

Kelab Kakitangan Awam Kementerian Pertahanan telah mengadakan Hari Keluarga (KAKEP) pada 23 April 2011 lalu. Dilihat sebagai satu platform untuk mengeratkan hubungan dan kearah keharmonian warga-warga awam yang berkhidmat di Kementerian Pertahanan. Aktiviti dimulakan dengan acara senamrobik yang disertai tetamu-tetamu kehormat dan ahli-ahli KAKEP, lawatan ke khemah-khemah rumah dan gerai-gerai yang menempatkan ahli-ahli KAKEP yang dibahagikan kepada pasukan Hijau, Oren dan Merah.

Cabutan tiket bertuah adalah antara pengisian aktiviti sepanjang hari tersebut dengan hadiah-hadiah menarik. Kemuncak kepada aktiviti tersebut ialah kehadiran Menteri Pertahanan, Y.B Dato Seri' Dr Ahmad Zahid bin Hamidi yang sudi menyempurnakan penyampaian hadiah kepada Rumah Hijau selaku rumah tercantik dan Rumah Biru pemenang bagi penyertaan ahli teramai.

AKTIVITI-AKTIVITI YANG DIADAKAN



BADAN KESENIAN MINDEF

Sejajar dengan pelan Tranformasi Mindef kearah sebuah organisasi yang inovatif dan dinamik, Menteri Pertahanan, Datuk Seri Dr. Ahmad Zahid bin Hamidi telah memberi idea bagi penubuhan Badan Kesenian MinDef (BKM). BKM telah ditubuhkan secara rasmi pada 20 Ogos 2010.

Di peringkat awal pemilihan keanggotaan hanya melibatkan beberapa tempat di sekitar Kuala Lumpur seperti di Istana Budaya (IB), Dewan Bandaraya Kuala Lumpur (DBKL) serta Jabatan Kebudayaan dan Kesenian Negara (JKKN). Namun, bagi memperluaskan organisasi yang melambangkan konsep 1 Malaysia, pemilihan anggota telah diperluaskan sehingga ke Sabah dan Sarawak.

BKM kini di bawah pengurusan Mej Zamri bin Othman serta 22 anggota tetap dan kerahan yang berkhidmat sebagai anggota tentera di dalam perkhidmatan TDM, TLDM serta TUDM yang terdiri dari pelbagai bangsa serta keturunan dari seluruh Malaysia. Walau pun belum sampai setahun penubuhan BKM telah berjaya melaksanakan lebih dari 35 persembahan merangkumi persembahan di peringkat tempatan dan antara-bangsa. Malah BKM turut terlibat secara langsung di dalam Konsert Untuk Mu Loloq dan dijangka akan membuat persembahan sempena LIMA '11 di Langkawi Kedah.

Di masa hadapan, BKM turut berhasrat untuk terus bekerjasama dengan agensi kerajaan yang laian seperti IB, DBKL, JKKN serta Lembaga Penggalakan Pelancongan Malaysia (TDC) bagi tujuan memperkasakan PKM ke peringkat yang lebih tinggi dan lebih dikenali umum.





KARNIVAL RAKYAT MERIAHKAN JELAJAH 1 MALAYSIA



Jelajah 1 Malaysia yang dianjurkan oleh Persatuan Lumba Basikal Malaysia (PLBM) bersama oleh Kementerian Belia dan Sukan telah bermula dari Bandar Pengerang, Johor melalui Kluang hingga ke Pekan, Pahang seterusnya berakhir di Universiti Sains Islam Malaysia (USIM) Nilai, Negeri Sembilan telah berlangsung dengan jayanya mulai 9 Mac hingga 13 Mac 2011. Acara tahunan ini telah memberi peluang serta ruang untuk pihak Kementerian Pertahanan termasuk Angkatan Tentera Malaysia serta agensi-agensi di bawah Kementerian Pertahanan termasuk Jabatan Hal Ehwal Veteran (JHEV) dan STRIDE untuk turut serta dalam Karnival Rakyat Jelajah 1 Malaysia.



Pada kali ini Karnival Rakyat sempena jelajah 1 Malaysia, pihak penganjur telah menjemput badan-badan kerajaan serta saswasta untuk sama-sama trurut mempromosikan serta mempromosikan produk serta peralatan untuk dipamerkan kepada umum. Justeru itu, pihak penganjur telah memilih bandar-bandar utama seperti di Kluang, Johor pada hari pertama kejohanan. Manakala dipertengahan kejohanan telah diadakan pameran di Pekan, Pahang mulai 10 hingga 11 Mac 2011 dan berakhir di USIM, Nilai, Negeri Sembilan mulai 12 hingga 13 Mac 2011 yang juga bersempena upacara penutup Jelajah 1 Malaysia peringkat Kebangsaan. Dalam pada itu asset-aset TD telah mendapat tarikan kepada pengunjung yang datang menyaksikan acara dwi tahunan ini sekaligus telah memeriahkan Karnival Rakyat Jelajah 1 Malaysia. Pada keseluruhan sambutan pihak pengunjung agak kurang menggalakkan mkemungkinan acara Karnival seumpama ini masih baru diperkenalkan oleh pihak penganjur.



Walaupun bagaimanapun syabas kepada pihak penganjur kerana telah berjaya menganjurkan Kejohanan Jelajah 1 Malaysia peringkat kebangsaan selagi gus mengembalikan semula imej serta prestasi Persatuan Lumba Basikal Malaysia diperingkat antarabangsa.

MESYUARAT AGUNG PUSPANITA KALIKE-28

- oleh Faridah Hanim Abd. Ghani



Persatuan Suri dan Anggota Wanita (PUSPANITA) MinDef telah mengadakan mesyuarat Agungnya kali ke 28 di Auditorium Wisma Pertahanan pada 10 Mac 2011 dengan tema "Wanita Sepakat Negara Meningkatkan"

Majlis dirasmikan oleh Ketua Setiausaha Kementerian Pertahanan, Dato' Sri Dr Haji Ismail Ahmad yang juga Penasihat Puspanita MinDef yang antara lain menekankan mengenai pentingnya institusi keluarga dalam masyarakat.



Golongan wanita yang berperanan penting sebagai isteri, pekerja, pemimpin, majikan dan anggota masyarakat, juga tidak mengabaikan tanggungjawab sebagai ibu dalam mendidik anak-anak sebagai pewaris Negara. Untuk tujuan itu, Puspanita MinDef telah mewujudkan Taska PUSPANITA yang dirasmikan oleh Mantan Menteri Pertahanan, Dato' Sri Najib Tun Abdul Razak pada 3 November 1992

Inisiatif Puspanita MinDef dalam menyediakan platform pendidikan kepada anak-anak warga MinDef telah menjadikannya sebagai penerima penghargaan "Top 5" di kalangan Kementerian yang mewujudkan perkhidmatan taska.



Selain penyampaian sijil penghargaan kepada ahli-ahli Jawatankuasa Puspanita MinDef bagi tahun 2010, majlis turut diserikan dengan persembahan tarian oleh anak-anak dari Taska Puspanita MinDef.

Puspanita MinDef yang ditubuhkan untuk menjadikan wanita sebagai golongan yang berkualiti, berilmu, berkemahiran, berketrampilan dan bertaqwa disamping dapat menyumbang kepada pembangunan diri, keluarga, masyarakat telah melaksanakan pelbagai aktiviti sepanjang 2010. Antaranya ialah Kelas memasak, Kelas Komputer, Ceramah, Anugerah Pelajar Cemerlang, Majlis Makan Malam termasuk aktiviti riadah. Selain menjadikan ahli persatuan bergiat aktif dalam aktiviti Puspanita, aktiviti-aktiviti yang dilaksanakan itu juga dapat merapatkan hubungan silaturrahim sesama ahli dan keluarga masing-masing.

Majlis Pelancaran United Nations Humanitarian Response Depot



Menteri Pertahanan, Y.B. Dato' Seri Dr. Ahmad Zahid bin Hamidi melancarkan United Nations Humanitarian Response Depot di Terminal

Pergerakan Udara, Pangkalan Udara Subang pada 31 Mac 2011. Turut hadir ialah Ketua Setiausaha Kementerian Pertahanan, Y.Bhg. Dato' Sri Dr Ismail Haji Ahmad, Duta-duta dan Pesuruhjaya Tinggi serta pegawai-pegawai kanan awam dan tentera Kementerian Pertahanan.

LONJAKAN BERGANDA MINDEF KE TARAF LIMA BINTANG



Ketua Setiausaha Kementerian Pertahanan, Dato' Sri Dr. Haji Ismail bin Ahmad, menerima Anugerah Khas Penarafan Lima Bintang SSR Tahun 2010 daripada Ketua Setiausaha Negara, Tan Sri Mohd Sidek Hassan.

Artikel & Foto :
Dato' Abdullah bin Kassim,
Bahagian Pengurusan
Sumber Manusia

Kementerian Pertahanan telah membuat lonjakan berganda dalam Sistem Penarafan Bintang (SSR) Unit Pemodenan Tadbiran dan Perancangan Pengurusan Malaysia (MAMPU) bagi tahun 2010 dengan memperolehi taraf Lima Bintang. Anugerah disampaikan Ketua Setiausaha Negara, Tan Sri Mohd Sidek Hassan kepada Ketua Setiausaha Kementerian Pertahanan, Dato' Sri Dr Haji Ismail Ahmad di Majlis Pengiktirafan Penarafan Bintang dan Pelancaran Buku 'Bersama Melaksanakan Transformasi' di PICC pada 27 Januari 2011.

Hasil penilaian tersebut, MinDef telah membuat lonjakan berganda dengan markah sebanyak 13.04% berbanding tahun 2008 seperti berikut:-



Daripada 25 kementerian yang dinilai oleh pihak MAMPU, MinDef menduduki tempat kedua, berbanding kedudukan ke 12 pada 2008, dengan perbezaan markah dengan penyandang tempat pertama sebanyak 0.13%. dan penyandang tempat ketiga sebanyak 1.34%. Disamping itu, keseluruhan markah yang diperolehi oleh MinDef bagi tiga komponen utama yang dinilai adalah lebih tinggi seperti berikut:-

- Komponen A (Pengurusan), - dengan perolehan markah 47.66% daripada 50%;
- Komponen B (Perkhidmatan Teras) - 21.98% daripada 25%;
- Komponen C (Pengurusan Pelanggan), - 24.07% daripada 25%;

Selain itu, MinDef juga menduduki tempat teratas menerusi produk Amalan-Amalan Terbaik (Best Practices) dalam kriteria Program Perekayasaan Proses Kerja atau Business Process Reengineering (BPR) menerusi Accountability Index Monitoring System atau AIMS, iaitu sistem pengauditan secara on-line bagi memantau dan menilai prestasi pengurusan kewangan di setiap Pusat Tanggung Jawab (PTJ) dan Pusat Kos secara lebih menyeluruh dan realistik. Produk tersebut telah berjaya menjimatkan perbelanjaan kerajaan khususnya MinDef sebanyak RM 500,000 setahun dan ianya juga berjaya ke peringkat akhir pertandingan Anugerah Inovasi Pengurusan Kewangan (AIPK) yang dikelola oleh Kementerian Kewangan, selain dicalonkan ke pertandingan Commonwealth Association For Public Administration and Management (CAPAM) International Innovation Awards (CCIA) pada tahun 2012.

Sesungguhnya kejayaan MinDef itu adalah hasil semangat bekerja secara berpasukan yang ditunjukkan oleh warga MinDef, serta sokongan dan dorongan pihak Pengurusan Tertinggi MinDef, khususnya Menteri Pertahanan, Dato' Seri Dr Ahmad Zahid Hamidi yang mensasarkan pencapaian tersebut dalam Perhimpunan Bulanan MinDef pada Mei 2010.

Untuk tujuan SSR juga, MinDef telah membuat perubahan drastik dalam budaya kerja warganya menerusi Budaya SSR dan Transformasi MinDef yang diwujudkan dalam sistem kerja serta dalam semua program, aktiviti dan projek di MinDef. Aspek kepuasan bekerja di MinDef juga turut diberi perhatian bagi memastikan sistem penyampaian perkhidmatan kepada pelanggan dapat dilaksanakan dengan baik, selain penekanan kepada proses kerja yang bersepadu menerusi model asas Improvement Cycle (Plan Do Review Act) atau The Deming Cycle (Plan-Do-Check-Action).

Pendekatan secara Check and Balance, Mystery Shopping dan Hands On juga dilaksanakan dari masa ke masa secara dalaman (in-house) diantara cawangan atau unit di Bahagian dan Jabatan masing-masing. Pendekatan tersebut juga dibuat diantara Bahagian dan Jabatan sebelum pengauditan menyeluruh oleh BADSA.



MinDef turut menerima Anugerah Khas Transformasi daripada Ketua Pengarah MAMPU, Dato' Mohamad Zabidi Zainal diatas pelaksanaan Pelan Transformasi MinDef yang disediakan bukan sahaja berasaskan garis panduan MAMPU, malah daripada model transformasi yang diperkenalkan oleh YAB Perdana Menteri sendiri semasa merasmikan Majlis Perdana Perkhidmatan Awam Kesebelas (MAPPA Ke-XI) pada 9 Mac 2010. Model transformasi YAB Perdana Menteri yang dikenali sebagai Lapan Tonggak Perdana dibahagikan kepada dua komponen besar iaitu komponen Empat Tiang Utama dan disokong dengan kom

Selain dapat merealisasikan model transformasi YAB Perdana Menteri dalam Pelan Transformasi MinDef, MinDef juga telah menyusun dan membina semula modelnya berdasarkan acuan MinDef sendiri yang diberi nama Lapan Tonggak MinDef.ponen Empat Tiang Nilai Asas Pelengkap.

Sesungguhnya pencapaian MinDef adalah merupakan kejayaan seluruh Warga Kerja MinDef sebagai iltizam untuk terus bekerja dalam satu pasukan dan budaya bagi melonjakkan pencapaian pemarkahan SSR MinDef ketahap yang lebih tinggi lagi pada tahun 2012 dan seterusnya. Kejayaan juga diharap dapat mengembalikan persepsi positif rakyat kepada MinDef, sekaligus meningkatkan imej MinDef sehingga ke peringkat antara-bangsa. Ianya juga bertepatan dengan slogan MinDef iaitu 'Pertahanan Negara Tanggungjawab Bersama' yang melibatkan peranan dan tanggungjawab semua pihak untuk sama-sama mempertahankan dan mendaulatkan negara.



Tonggak Lapan MinDef

Majlis Pelancaran Kumpulan Ketiga, Keempat dan Platun Media Siber Askar Wataniah

Menteri Pertahanan, Y.B. Dato' Seri Dr. Ahmad Zahid bin Hamidi melancarkan Kumpulan Ketiga, Keempat dan Platun Media Siber Askar Wataniah di Padang Kawad Kem KEMANTAHAN, Kuala Lumpur pada 17 Mac 2011. Turut hadir ialah Ketua Setiausaha Kementerian Pertahanan, Panglima Tentera Darat serta Pegawai-pegawai Kanan Awam dan Tentera Kementerian Pertahanan.



KONSERT UNTUK MU LOLOQ



Kementerian Pertahanan menerusi cetusan ilham Menteri Pertahanan, Dato' Seri Dr Ahmad Zahid Hamidi telah menganjurkan Konsert Untukmu Loloq bagi menghargai seniman ini, iaitu Allahyarham Loloq atau nama sebenarnya Rosli Khamis. Konsert dengan kerjasama Badan Kesenian MinDef dan Global Network Entertainment Sdn Bhd itu diadakan selama tiga hari bermula pada 22 hingga 24 April 2011 di Panggung Sari, Istana Budaya.

Penampilan artis-artis terkenal seperti Ramli Sarip, Dato' M. Nasir, Ella dan Kumpulan Spider telah berjaya mengimbau nostalgia para peminat terhadap lirik-lirik tulisan Allahyarham yang meninggal dunia pada 30 Januari 2008. Turut sama menjayakan konsert ialah Badan Kesenian MinDef dan Badan Kesenian Tentera Darat.

Bahan : Pauzan Ab. Majid

Selamat Datang Kepada

TKSU (Dasar) MinDef



MinDef mengucapkan Selamat Datang dan Selamat Bertugas kepada Y.Bhg. Dr. Ismail Hj. Bakar, Timbalan Ketua Setiausaha (Dasar) bermula pada Februari 2011. Dr. Ismail, 51 tahun yang berasal dari Batu Pahat, Johor sebelum ini berkhidmat sebagai Penasihat Kanan kepada Pengarah Eksekutif, Kumpulan Bank Dunia di Washington DC pada 2008 hingga 2010 dan Ketua Bahagian Perolehan Kerajaan, Kementerian Kewangan pada 2006 hingga 2008. Malah perkhidmatan beliau dalam perkhidmatan awam juga banyak tertumpu di Kementerian Kewangan. Memiliki Ph.D dalam Fiscal Federalism dari University of Hull, UK pada 2004 dan Masters of Business Administration (MBA), University of Hull, United Kingdom (1995), Dr. Ismail mendapat banyak pendedahan di luar negara menerusi penyertaan beliau dalam latihan profesional serta pembentangan kertas kerja di seminar dan bengkel. Beliau juga adalah penerima The Chevening Scholarship Award dari The Foreign and Commonwealth Office (FCO), Her Majesty Government of The United Kingdom pada tahun 2000.



KEMENTERIAN PERTAHANAN

PIAGAM PELANGGAN

KAMI BERJANJI :-



1. MENGURUSKAN PERTAHANAN NEGARA DENGAN CEKAP DAN BERKESAN SUPAYA KEPENTINGAN STRATEGIK, KEDAULATAN DAN KEUTUHAN NEGARA SENTIASA TERJAMIN

1.1 BAHAGIAN DASAR & PERANCANGAN STRATEGIK

- 1.1.1 Menyediakan nota percakapan dan ikhtisar untuk dimajukan ke Kementerian/ Agensi/ Organisasi Antarabangsa/Organisasi Tempatan yang berkaitan dalam tempoh tujuh (7) hari selepas tarikh menerima permohonan lengkap.
- 1.1.2 Memajukan draf nota bantahan diplomatik dalam tempoh dua (2) hari bekerja mulai tarikh penerimaan laporan yang lengkap kepada Kementerian Luar Negeri.
- 1.1.3 Memberi pandangan kepada Kementerian Luar Negeri mengenai permohonan untuk kelulusan diplomatik bagi pesawat-pesawat dan kapal- kapal tentera asing dalam tempoh dua (2) hari bekerja dari tarikh permohonan diterima.
- 1.1.4 Jawapan kepada pertanyaan jawab lisan Parlimen disiapkan dan dimajukan ke Pejabat Menteri atau Timbalan Menteri selewat-lewatnya dua (2) hari sebelum tarikh menjawab di Parlimen.

1.2 PEMBANGUNAN INDUSTRI PERTAHANAN (BIP)

- 1.2.1 Menyediakan laporan penilaian syarikat industri pertahanan dalam tempoh dua (2) minggu selepas lawatan dilaksanakan.
- 1.2.2 Memuktamadkan program perdagangan timbalbalas/ offset dan mengenalpasti benefisiari dalam tempoh enam (6) bulan selepas tarikh surat niat dikeluarkan (LOI).
- 1.2.3 Mengkoordinasikan penyertaan syarikat industri pertahanan ke pameran pertahanan antarabangsa empat (4) bulan sebelum pameran berlangsung.
- 1.2.4 Laporan Tahunan dan Penyata Kewangan (Telah Audit) Perbadanan di bawah Kementerian Pertahanan dibentangkan di Mesyuarat Jemaah Menteri, Dewan Rakyat dan Dewan Negara dalam tempoh tiga (3) bulan dari tarikh laporan diterima.
- 1.2.5 Memproses permohonan dan cadangan semakan perkara perkhidmatan dan kewangan Perbadanan untuk kelulusan Y.B. Menteri Pertahanan dalam tempoh satu (1) bulan dari tarikh permohonan lengkap diterima.

1.3 PENYELIDIKAN PERTAHANAN DAN SOKONGAN TEKNIKAL (STRIDE)

- 1.3.1 Permohonan R&D pertahanan dinilai dan dipertimbangkan dalam masa satu (1) bulan selepas penerimaan cadangan yang lengkap.
- 1.3.2 Menyelesaikan pengujian dan mengeluarkan laporan dalam tempoh tidak melebihi satu (1) bulan dari tarikh permohonan.
- 1.3.3 Mengesahkan dan mengeluarkan Sijil Spesifikasi Perolehan Pertahanan dalam tempoh tidak melebihi dua (2) bulan dari tarikh permohonan.
- 1.3.4 Menyelesaikan penyiasatan kegagalan dan mengeluarkan laporan dalam tempoh tidak melebihi dua (2) bulan dari tarikh permohonan.

1.4 KHIDMAT PERUNDANGAN (BUU)

- 1.4.1 Memberi perkhidmatan nasihat undang-undang yang berkualiti menurut Perlembagaan Persekutuan dan undang-undang dengan mengikut keutamaan dalam masa empat minggu (4) selepas menerima permintaan yang dilengkapkan dengan maklumat latar belakang yang sempurna dan dokumen-dokumen yang berkaitan.
- 1.4.2 Menyemak draf Kontrak mengikut keutamaan dalam tempoh empat (4) minggu dari tarikh penerimaan arahan dengan syarat maklumat adalah lengkap dan sempurna.

1.5 PENGAUDITAN (BADSA)

- 1.5.1 Melaksanakan Pengauditan Pengurusan Kewangan berdasarkan Indeks akauntabiliti sekurang-kurangnya bagi 100 PTJ atau 100 PK setahun.
- 1.5.2 Menyediakan laporan pengauditan pengurusan kewangan kepada audit dalam tempoh 14 hari bekerja dari tarikh exit conference.
- 1.5.3 Menyediakan laporan pengauditan pengurusan prestasi dalam tempoh 30 hari selepas pengauditan.

1.6 PENGURUSAN ADUAN PELANGGAN (UKK)

- 1.6.1 Memperakui penerimaan aduan kepada penguadu dalam tempoh 24 jam.
- 1.6.2 Menyelesaikan segala aduan dalam tempoh sepuluh (10) hari waktu bekerja.

2. MELAYANI DENGAN PENUH ILTIZAM SEGALA KEPERLUAN ANGKATAN TENTERA MALAYSIA DALAM PEMBANGUNAN KEUPAYAAN DAN KESIAPSIAGAAN

2.1 BAHAGIAN PEROLEHAN

PENGURUSAN PEROLEHAN KELENGKAPAN DAN PERKHIDMATAN

- 2.1.1 Proses pengurusan dan pentadbiran perolehan barangan dan perkhidmatan Kementerian Pertahanan daripada permohonan pengguna yang lengkap diterima sehingga Surat Setuju Terima (SST/LOA) hendaklah dilaksanakan dalam tempoh masa yang ditetapkan seperti berikut:-

Bil	Kaedah Perolehan	Jenis Perolehan	Kaedah Penilaian	Tempoh Masa (Hari Bekerja)
1.	Sebut Harga	-	Harga	73
			Harga dan Teknikal	163
2.	Tender	Terbuka & Terhad Antarabangsa	Harga	142
			Harga dan Teknikal	246
			Harga	177
			Harga dan Teknikal	267

- 2.1.2 Semua kontrak perkhidmatan, rangsum dan alat ganti hendaklah diperbaharui 14 hari sebelum kontrak semasa tamat bagi membolehkan keperluan berkenaan diterima.

2.2 PENGURUSAN PROJEK INFRASTRUKTUR (PEMBANGUNAN)

- 2.2.1 Proses pengurusan tender dan sebutharga bagi kontrak kerja dan perkhidmatan daripada tarikh tutup tender atau sebutharga sehingga tarikh Surat Setuju Terima (SST/LOA) hendaklah dilaksanakan dalam tempoh masa yang ditetapkan seperti berikut:

Bil	Kaedah perolehan	Tempoh masa
1.	Sebutharga	60 hari
2.	Tender	90 hari

- 2.2.2 Dokumen kontrak disediakan untuk ditandatangani dalam tempoh tiga (3) bulan dari tarikh pengeluaran surat tawaran.
- 2.2.3 Kelulusan permohonan arahan perubahan kerja (APK) diputuskan dalam tempoh 30 hari dari tarikh permohonan lengkap diterima.
- 2.2.4 Permohonan Tempoh Lanjutan Masa (EOT) diputuskan dalam tempoh lima (5) hari bekerja dari tarikh permohonan lengkap diterima daripada Agensi Pelaksana.

3. MELAYANI DENGAN PENUH ILTIZAM SEGALA KEPERLUAN ANGKATAN TENTERA MALAYSIA DALAM PENGURUSAN SUMBER MANUSIA, KEWANGAN DAN ICT

3.1 PENGURUSAN KEWANGAN

- 3.1.1 Waran diagihkan kepada Program dalam tempoh 10 hari dari tarikh penerimaan Waran Am daripada Perbendaharaan.
- 3.1.2 Permohonan kelulusan kewangan diproses dan diputuskan dalam tempoh lima (5) hari bekerja dari tarikh permohonan diterima.

3.2 PENGURUSAN BAYARAN (AKAUN)

- 3.2.1 Semua bil bayaran dijelaskan dalam tempoh 14 hari dari tarikh bil lengkap diterima.

3.3 PENGURUSAN SUMBER MANUSIA (BPSM)

- 3.3.1 Mengkaji dan memberi pertimbangan ke atas semua kertas cadangan penambahbaikan dan permohonan elau, kemudahan dan syarat-syarat perkhidmatan ATM untuk dikemukakan ke JPA dalam tempoh 21 hari dari tarikh kertas cadangan diterima.
- 3.3.2 Surat tawaran lantikan untuk urusan pengambilan kakitangan awam di bawah Perwakilan Kuasa P.U.(B) 496 dikeluarkan dalam tempoh lima (5) bulan dari tarikh iklan ditutup.
- 3.3.3 Melaksanakan sesi kaunseling atau intervensi psikologi dalam tempoh sepuluh (10) hari bekerja daripada permohonan diterima dari individu atau Ketua Jabatan.


3.4 PEMBANGUNAN DAN PENGURUSAN ICT (BPM)

- 3.4.1 Menyemak dan memberi maklum balas ke atas kertas cadangan projek ICT di Kementerian Pertahanan untuk Jawatankuasa Teknikal dalam tempoh lima (5) hari bekerja dari tarikh penerimaan.
- 3.4.2 Menyelenggara rangkaian dan sistem aplikasi supaya mencapai tahap tidak kurang 99% ketersediaan capaian.
- 3.4.3 Menyemak dan memberi ulasan ke atas spesifikasi tender perolehan ICT dalam tempoh sepuluh (10) hari bekerja dari tarikh penerimaan.



LIMA '11

L A N K A W I



“PERTAHANAN NEGARA”
TANGGUNGJAWAB BERSAMA”

